

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

15. Admiranda Turcæ ad fidem nostram vocatio & conuersio.

urn:nbn:de:hbz:466:1-45653

S. Augustin. abscondimus, & tu placatus es? ait ille. Nos te prouocamus ad iram, intrat de tu autem conducis nos ad misericordiam: nos irritamus te ad furorem, Visitatione tu autem differs vindictam. Iusto extermino punire poteras peccantes, infirmi. serm subuertere negligentes: sed patientia tua expectat, ut corrigamiss patientes. Deus ergo meus, misericordia mea! Nunquid non hac est iniustitia? sed nunquid est iniustitia, apud Deum? Absit. Quod enim sustinet Deus, index iustus patienter, totum Deus est. Neg, eum aliter Deus esset, nisi flectereris, nisi patareris, nisi miserareris. Quodcumq, iugur facis, tuum est: quod tuum est, bonum est. Quod igitur facis, bonum est, Deus meus misericordia mea.

XV.

Scriptis hoc Antonius Ceschi, 18. Ianuar. An. 1643.

Sicut, octauo exempli loco, prorsus bonum & admirabile erat, quod Româ Dilingam perscriptum fuit, Neapol. An. 1640. (an. 1641?) accidisse. Ibi Turca mancipium, curiositate populi allectus, cum reliqua turba, domum quandam sacram, in qua, Natalibus Christi Domini festis, rarissimi artificij elegantiæque Prae- sepe visebatur, ingressus oculos à longè stans, ignota pietate, impleuit. Nulli vñquam sua curiositas felicior fuit. Nam ecce procul consistentem Turcam, atque nihil minus cogitantem fabræfactus è materia Christus infans, è præsepio respicere; tum etiam, protensa manu, & indice digito annuere, atque ad se vocare cœpit, quin & vocem claram addidit, cunctis, qui aderant, in stuporem raptis. Neque verò annuere cessauit antè, quam ille attonitus ac tremens accederet. Vbi accessit, egit Christus ipse Catechistam, hominem Turcam res fidei necessarias docuit, monuitque, vt Baptismo se quam primùm tingi curaret; fore enim, vt, intra breue tempus, secum in cælo esset. Profecit insigniter, sub tali magistro, Turca; rem disertè narravit; baptismum petijt, obtinuit; & paucos post dies, grauiter ægrotans, iamque ipsi morti vicinus, palam professus est, mori se non posse prius, quam Sacrum viaticum accepisset. Accepit, & spiritum cælo reddidit. Miraberis, Lector, hanc tantam Dei bonitatem. at scito, omnibus ad præsepe Christi confluentibus annuere misericordem Dominum; omnibus documenta diuina tradere. Non vident, neque audiunt hoc omnes? in ipsis culpa est, quia sponte cœci sunt, & vitijs obturati non habent aures audiendi. At qui aures audiendi habent, audiunt puerulum I E S V M è præsepio non solùm vagientem, sed etiam pannis paupertatem, frigoris tolerantiâ patientiam, lachrymis poenitentiam, denique vultu, gestu, totius corporis

poris habitu, omnes virtutes docentem; incensique amore tam immenso infantis, iam tum, pro Mundo, patientis, toti se projiciunt in mare diuinæ bonitatis. Philæni, aut, ut Athenæus eos appellat, Philotoconista, optauerant olim, vt in balænas conuerterentur, dummodo mare in pretiosissimum vinum mutaretur, in quo se se possent continuò volutare. O quantum est mare amor Dei! ô quād dulcis Oceanus, immensitas diuinæ bonitatis? omnes prorsus in eum se conijcerent, omnes in eo, velut pisces, natare optarent, si eius agnoscerent suavitatem. Immo omnes in eo submergi, & animam, amore ebriam, ponere cuperent, quemadmodum Georgius Clarentiæ comes, qui (ob suspicionem affectati regni, ab Eduardo IV. huius nominis rege Angliæ, fratre suo, iussus mori, & genus mortis, quod sibi magis placeret, eligere) voluit vino Cretico, seu, vt vulgo vocant, Maluatico, suffocari, coniectusque in vas plenum huius vini, illud sensim sorbendo suauiter submersus est; ita, p̄ amoris dulcedine, toti in Deo mergerentur omnes, si quād suauis sit Dominus, gustauissent; neque etiam mille mortes sentirent charitate inebriati.

C A P V T X L I I .

Quanta, ex consideratione Dei summè boni, summèq; misericordis, etiam alioqui desperatis, spes venia & fiducia addatur?

A Vdiui nonnullos, qui nauali prælio interfuerunt, quod Ioannes de Austria, contra Turcas, felicissimè gessit, narrantes, cadavera in mari natantia internosci potuisse. Siquidem corpora Turcarum prona, at Christianorum supina atque cælum asperientia dicebant natitauisse. Eadem res quotidie accidit ijs, qui in diuinæ bonitatis mare incidunt; alij enim ibi eriguntur ad spem in Deo ponendam; alij suopte pondere euertuntur, & ita deprimitur, vt, ad quam oculos habent, non videant bonitatis profunditatem.

Hanc vtique non vidit Cain, qui dixit: *Maior est iniquitas mea, quād ut veniam merear;* quasi aliquid maius esse posset. Gen. 3. 13.

Ggg 3 magni-

I.

II.